

Zirlai, hna zawng mek leh hna-thawh mek te tan Hostel fai leh thianghlum, ei leh in tuihnai, tui hnianghnar, free wi-fi, two wheel-er free parking awm thlap, thlenin mamawh tan pawh man tlawm tein a thlen theih bawh e.

Rainbow Hostel
Y-131, MZU Road,
Luangmual, Aizawl
Ph. 9436140576 / 7005598481

The Aizawl Post

RNI Regn. No. MIZMIZ/2003/12043 Postal Regn. No. MZR/56/2018-2020



The Aizawl Post
Office : G-7, Chanmari,
Aizawl; Mizoram
796 007
Ph: 2341869
Website:
https://theaizawlpost.org
e-mail :
aizawlpost@rediffmail.com
theaizawlpost@gmail.com

Paris lalnu thar a piang ta!
A hming Andreeva P-6

Chinese president-in North
Korea tlawh dawn P-4

Prince thih hnuah a album thar
an thlangzawh dawn P-8

VOL. XXV NO. 136 AIZAWL, THAWHTANNI, JUNE 8, 2026

A man: Thla khatah Rs. 200

Circulation Manager
700559856

VAWIN KHAW CHIN

Time	Forecast	Temp.
Zan dar 11-zing dar 5		19°
Zing dar 5 - chhun dar 11		24°
Chhun dar 11 - thai dar 5		27°
Thai dar 5 - zan dar 11		20°

CHANCHIN TAWI

Thisen pe
Mizoram Arsenal Supporters Club chuan English Premier League-a Arsenal champion lawmna atan Civil Hospital Aizawl Blood Centre-ah Inrinni khan a thlawin thisen unit 25 an pe.

AIR kum 90
All India Radio chuan an kum 90 tin Mizorama an lawman kal mekah a lawmna pui ber chu vawin - June 8 hian Vanapa Hall-ah an hmanpui ang. Chief minister Lalduhoma'n a hmanpui ang. AIR kum 90 tin hi chi hrang hrang a lawm a lo ni tawh a, AIR Aizawl ngaihlutu zawng zawng hmanpui turin an sawm tih an sawi.

Oil palm
Oil Palm Zonal Committee Lunglei District thukhawm chuan an district-a oil palm chin kawnga hmalakna leh hmachhawp an sawiho. Kum 2025-2026 chhung khan oil palm rah FFB (Fresh Fruit Bunch) hi partner company - Patanjali Foods Company Ltd-in metric tonne 503 leiin, a ching-tute kutah Rs. 71,00,774 a tui th tarlan a ni a. Kumina Lunglei district-a oil palm chinna hmanpui turin (area expansion) tur hmachhawp hectare 300-a chin turin oil palm tiak sem zawh tep a ni tawh.

Sawrkarin sawhthing lei hun titawp

Mizoram sorkarin sawhthing lei hna a thawh chu zawh fel a ni tawh a, quintal nuai 1.45 vel sawhthing hi lei a ni.

A lei hna thawktu Mizoram Agriculture Marketing (MAMB) hotute chuan kuminah May ni 30 thleng khan sawhthing hi lei a nih thu an sawi a, official-in an khar tawh tih an sawi bawh.

Sawhthing lei tur awm ang lei kim a ni hman em tih thu-ah an lei fai em tih sawi chian a har thu an sawi a, May thla thleng sawhthing hi hralh theih a nih tur thu

an inhrilh lawk sa a, sorkar tan a lei hun chhung bituk a ngaih thu leh ruahman lawk angin May ni 30-a khar a nih thu te an sawi.

An chhinchhi-ahna, May ni 31-a miah chuan sawhthing hi kg 145,66,489.18 an lei a, chu chu quintal 1,45,664.8918 a ni. Sawhthing man zawng zawng hi belkhawmin Rs 3721,10,005.14 a ni.

Sawhthing lei hna hi February ni 9-ah an t an a, February-a lei tan tura tih niin, thil thifel ngai neuh a awm avangin ni 9-ah an tan a

Aizawl	- 18,05,343
Lunglei	- 3,36,250
Siaha	- 4,80,312
Champhai	- 35,47,077
Kolasib	- 2,11,604.50
Serchhip	- 18,54,819
Lawngtlai	- 5,62,236.20
Mamit	- 7,25,120.90
Saitual	- 20,57,359.58
Khawzawl	- 20,23,163
Hnahthial	- 9,63,204

A neitute'n an hralhna hi a inang lo thluah a, a leitute pawh mi hrang hrang an ni. Kg 1 man Rs 50 a tlin lohna kha sorkarin a tum a, chuvangin sawhthing neitute hian kg 1 Rs 50 zelin an hralh vek thina a ni.

Jail tang zingah Sunday School kai ngai miah lo zaa 4.7 chauh

Aizawl, June 8 Mizoram jail hrang hranga tang zingah Sunday School kai miah lo chu Kristian ni lote nena chhut tel vekin zaa 4.7 chauh an ni a, kaikim lawmman dawng tawh thin pawh zaa 68.6 an ni.

Kum 2025 khan Synod Prison Ministry chuan Mizoram-a jail 10-a tang mek mi 1735 hnena zawhna inang chhan tur an pek zinga 1452-in chhanna an pek let a zir-chiannaah, rawtna a siam ngal a. Jail tang zingah Sunday School kai ziktluak awm mang lo anga sawi fo thin chu a dik tawh lo tih sawiin, tang zinga Kristian ni lo, Sunday School kai ve ngailo ten neka chhutun Sunday School kai ngai miah lo chu zaa 4.7 chauh an ni tih a sawi. Sunday School kaikim dawng tawh thin phei chu zaa 68.6 an ni a, Sunday School kai nuam ti pawh zaa 83.7 an ni a, medal pawh dawng tawh zaa 37.1 an awm.

Hetihlai hian Sunday School kai chhunzawm tuantling lo zaa 30.03 an awm thung. "Hemi en hian, Sunday School tha tak hi a that dan tur berin kan la hmang chhuak zo lo deuh a ni thei angem? School a nihna hrereng chungin kan syllabus her rem a tul tawh a ni thei em? Nun kaihruaitu atan tha lehzuazawk tur duang thei turah inbeisei ila," a ti.

Jail tang zingah chhungte ngaihsaktu nei loo zaa 13.2, an chhuah huna haw na tur nei lo zaa 7.3, suma intlanchhuahna tur nei loh avanga an tan chin bak tang nia insawi engemawzat an awm tih sawiin, jail an chhuahsan hnuah nun bul an tan theih

dan tur ngaihtuah theih a duhawm hle tiin, rawtna a siam.

Jail tang zingah chhung inkhawm nei ngai miah lo zaa 11.5, chhungkua atanga awm dan mawi leh tha inzirtina dawng ngai miah lo zaa 3.8 chauh niin, mahni in-chhungkhur inenkawl na tha ti lo zaa 17.7, nu leh pa pi leh pute hnen atanga Pathian thu dawng ngai miah lo zaa 8.1 chauh an ni. Chhung inkhawmin an nuna hmasawna thlen ti lo zaa 10.9, harsatna tawh changa chhungte thlawp /puitu nei lo zaa 21.1; in-chhung khura Kristianna lam sawi ngai miah lo zaa 20.3, jail tan chhana chhungte puh lo zaa 28.5 an ni.

"Han en vang vang hian, han sual viau thin mah se, chhungkua hi an nun bul lo chhuahna a ni tih an pawm em em vek tihna a ni a. Chuti chung chuan chhungkuaah hmah leh tlakchham lia-jn tak a awm a, chu chunge ni ta ang?" tiin zawhna a siam a ni.

"Chhung inkhawm hi tihphungah kan nei a, chhung inkhawm nei thei zinga tel duhna tawh vel chauh kan nei thin hian kan nunah danglamna a thlen zo lo niin a lang a. Chhung inkhawmin nunah hmasawna a thlen, titute ngeiin jail bang an zut a, Pathian lawm tlak chhung inkhawm kan din thar a tul," tiin zirchiang-tute hian rawtna an siam.

Civil Hospital leh ZMC-ah chatlak loa power neih dan tur ngaihtuah



Mizorama damdawi in lian pahnih - Civil Hospital Aizawl leh Zoram Medical College & Hospital chu Power & Electricity minister F Rodingliana leh Health & Family Welfare minister Lalrinpui ten Inrinni khan tlawhin chhum

lo chat loa power supply pe dan leh hmalakna tur hmachhawp dangte a hmanpui an en.

Civil Hospital Aizawl chawmtu tur bik, dedicated power line siam hna thawh bul tan dan tur an en a, ruahman dan chuan Civil Hospital pow-

erline hi direct-in Indoor Sub-Station atanga lak tur a ni a, hemi atan hian cheng vaibelchhe khat chuang ruahman a ni.

Power supply khaihlak thulha hospital pumpui chawm thei tur 500 kVA diesel generator (p-2-ah chhunzawm...)

Mi pahnih tuiah tlahlum

June 6 kham tuiah mi pahnih an tlahlum a, an ruang hmuh ngal ve ve a ni.

Tlawng lei thlen hma, Serlui A Reiek kaiah Lalbiakdika (27) s/o Zabiaka Tochwang, Kawrtethawng, tuna Kulikawn Aizawla khawsa mek chu a tla a, a ruang hi hemi zan dar 8.10 vel khan lakchhuah a ni. Thudawn danin Lalbiakdika hi Solomon's High School (Kulikawn Ngaizel) zir-

tirtu a ni a, Inrinni khan thianhoa intihlim turin Tlawngah hian an kal a, an chawhmeh ei tur a zawna lamah chesual palhin a a hnuai li ah a tla ta a ni.

Inrinni tlai dar 4.00 vel khan Lungverh-a picnic spot pakhtah Bonfura (21) chu tukhuahah chesualin a thi. Thudawn danin Bonfur-a Myanmar lam mi, Aizawla lehkhazira awm a ni a, Mualpui Salem Venga boys hos-

tel-ah a awm. A thiantenen an picnic-a, hetah hian a chesual ta a ni. A ruang hi zan dar 7.00 vekah lakchhuah a ni.

Vawk 2200 chuang thi tawh

POST NEWS SERVICE

African Swine Fever (ASF) vangin Mizoram hman hrang hrangah vawk a thi a, kuminah vawk 2200 chuang a thi leh tawh.

AH&Vety department chhinchhiah danin, June ni 3 thleng khan ASF vang hian Mizoramah vawk 2281 a thi tawh a, vawk 683 tihlum a ni tawh.

ASF hi Mizoramah a awm nghet tawh a, he hri hi rawn inlar fo tura ngaih a ni. Kumin hian finfiah hmasak ber chu January ni 16-a mi a ni a, Aizawla mi a ni.

Kum tir teah he hri hi hmuh ngal ni mah se a darh zui ngal lo a, mahse khaw hrang hrangah finfiah a ni leh tawh. Aizawl, Serchhip, Saitual, Lawngtlai, Mamit, Kolasib leh Khawzawl district-ah ASF hi kuminah finfiah a ni tawh a, chhungkaw 752-in vawk an chan tawh.

Nikum nena khaikhinin, kumin hian a nasa vak rih lo tiin a sawi thei; nikum kham June ni 3 thleng vawk 4629 a thi a, vawk 1451 tihlum a ni. Kumin June ni 3-a aiin a tam zawk fe ve ve.

ASF hi 2021-ah finfiah a ni a, hemi hnu hian kum tin a la leng. 2025-ah khan vawk 9711 a thi a, 3620 tihlum a ni.

Industrial area-a dik lo taka ram nei chungah khauh

Sawrkarin industry dinna atana ram a ruahman chhunga dik lo taka ram lo neite chungah khauh takin sawrkarin hma a la dawn tin Industries minister F Rodingliana chuan a sawi.

Commerce, Industries, Geology & Mining minister F Rodingliana hian June 5 tlai khan Industrial Estate Zuangtui a tlawh a. Industry hrang hrang - plastic tanky in-

dustry, handloom industry, water bottling plant, toughened glass siamna leh tin roof industry tlawhin, an hnathawh a endik.

Minister hi Mizoram Industries Owner's Association hruiatuten an lo kawm a. Industry hmanpui minister an nei chu lawmawm an tih thu sawiin, industrialist-ten harsatna an tawh hrang hrang an thlen.

MIOA hruiatute hian Mizorama entrepreneur-ten industry dinna tur ram an hmuh zo tawh loa, industrial area awmsa pawh nek leh midangin an luahsak fo avangin harsatna an tawh a, hei hian central scheme an dil hmuh ve thiehna tur thlengin a tibuai tih sawiin, an buaina hi chinfel sak turin an ngen a ni.

Industries minister chuan, industrialist-ten hman hnuah Mizoram sawrkar pawhin kum 2010-ah a hmang tan a, sawrkar laipui chuan NPS hi tum engemawzat ennawn tawhin, tunah

harsatna an sawi chu sawrkarin theihtawp chhuahin a ngaihtuah mek tih a hrilh a. Industrial area chhunga diklo taka ram nei chungah khauh taka hma an lak tur thu a sawi. State tan industry-a hmasawna pawimawh zia sawrkarin a hrechiang a, entrepreneur leh industry hmasawna atan environment tha siam turin theihtawp an chhuah reng tih a sawi a ni.

hian NPS aiah Unified Pension System a hmang leh tawh a. Mizoramah erawh NPS thlak emaw ennawn emaw a la awm loa, sawrkar laipui hnu-

Pension scheme hlui duhin mass casual leave la dawn

Mizoram sawrkar hnuahia thawh Old Pension Scheme hman leh duhte chuan vawin - Thawhtanni hian mass casual leave lak an tum.

Mizoram Movement for Old Pension Scheme (MIMOPS) thuchhuah danin, sawrkar laipuiin kum 2004-a New Pension System (NPS) a

hman hnuah Mizoram sawrkar pawhin kum 2010-ah a hmang tan a, sawrkar laipui chuan NPS hi tum engemawzat ennawn tawhin, tunah

hian NPS aiah Unified Pension System a hmang leh tawh a. Mizoramah erawh NPS thlak emaw ennawn emaw a la awm loa, sawrkar laipui hnu-

JOIN INDIAN NAVY
COMBAT-READY COHESIVE AATMANIRBHAR

JOIN AS AGNIVEER (APPRENTICE)

Indian Navy invites Online Applications from unmarried Men for Agniveer (Apprentice) 01/2027 & 02/2027 Batch

Application Window: 05 June - 29 June 2026

Educational Qualification
Candidates must have passed Matriculation Examination with minimum 50% marks in aggregate from the Boards of School Education recognised by Ministry of Education, Govt. of India and completed three years diploma course from AICTE recognised Polytechnic Institutes with 50% marks in aggregate in notified courses.

www.joinindiannavy.gov.in | www.ssc.gov.in
Employment News Dated 06 June 2026
Safeguarding Seas for a Viksit Samridha Bharat

CBC 10701/13/0009/2627

COCKROACH JANTA PARTY (CJP) – CHUK-CHU PARTY CHU LE!

David Lalrinchhana

(phek 5-na zawmna...)

CJP hmakhua tur chungchangah pawh inhnialna leh inrinsiakna a nasa hle a, thenkhatin mi tih elna lam hawi atana din a ni a, social media ngawr ngawr hmang tangkaia din a nih bawkw avangin rei lo tea thamral leh vat mai turin an ngai a. Thenkhat erawhin kalphung pangngai awmsa t hiatin khawvel changkanna hmang tangkaia din a ni mai a, a holam ti lo a, a daih rei ring an awm bawkw. Chutiang karah chuan CJP chu sum leh pai te, support-tu ropui a phena awm sa te leh mipui kal khawm hut huta din a ni hauh lo a, a dintu ber pawh USA a awm niin online hmanga zan khat thil thua lo irh chhuak hluai an nih avang hian an hma lam hun tur sawi-sak a harsa viau a, kan la neih ngai loh thil thar a ni a, khawvel ang pawha mi ngaihven a hlawh tak zet a. A dintu Abhijeet ngei pawh ama insawi danin USA lamah hna tha tak tak an lo offer a, mahse a hnar ta zel a. Ram dang Media te pawhin an chanchin an chhuah nasa mek hle a nih hi maw.

A tira an din chhan te ngaihtuah chuan an beisei ai fe chuan an lian chakin an thang duang hle a, India rama mi ropui leh hming tha an hnungah an awm fur nen, a bikin opposition party lam lawmah tak pawh a tla a, an lo fuih phur nasa ve hle bawkw. Chutiang a nih avang chuan rin-ai takin an daih rei zek thei a, mipui lawm zawng issue leh awmze nei an aupui zel chuan zawmtu mumal an nei zelin a rinawm. Tun dinhmuna chuan Mizoram atanga an party page follow-tu te ngei pawh hian an protest hi kan ban phak maiah awm ta sela kan zawm duh kher rih lo maithei, enthlatu kan la tam tlangin a rinawm.

Hindustan Times lamin an ziah angin pawl 12 zirlai Sarthak Sidhant CBSE OSM dikhlal chungchang rawn aupuitu chuan, "Internet kaltlanga ram leh zirlaite tana au chhuah chu a that rualin zir chianna leh a taka thawh tak takna tel lo chuan awmzia a awm lo a, mahse, mi hip leh lar tumna satliah a ni tur a ni lo," tiin a sawi a, "Zirlaite tana au political party kan ni a nih chuan tum leh chhan mumal a nei tur a ni," a ti bawkw.

Hei hi a dik thui thei viau awm e, thalaite khawvel, Gen Z tih tawngkam kan hman lar viau a, awlsam taka mi hmaa thusawi leh inlan kan theih tawhna khawvelah hian takna hi a chungnung ber fo a, larna leh mipui nawlpui hip zawnga thu aupui te, mi hriata han inpho lan mai te hi a tum ngar ngar tan chuan awlsam tawh tak hi a ni.

Thingtlang lo nei mi atanga two-wheeler taxi khalh i ni emaw, MCS/IAS leh dawrkaita chena social media lama zuitu kan neih dul dul theih tawhna khawvel a ni miau alawm le. Chutiang hmang tangkai thiam tan chuan awlsam tea inwawrh dawrh theih a ni a, CJP pawhin heti zat zuitu an nei ta reng a, mahse, rei loah eng mi nge kan/an nih a, eng thu nge an ken a, eng tiang taka rintlak leh zui tlak nge an nih kan hmu leh dawn a. Hun hian mihring nihna a tar lan chian thin em avangin chu tehna dik angreng tak thin lak ata chu eng nge an nih ang tih chu hun bawkin a la hril zel a ni ang chu.

MFM SCHOOL OF NURSING ADMISSION OPEN

2026 Session atan Admission a hawng leh ta Course awmte :

- * GNM (3 Years)
- * ANM (2 Years)

Eligibility :

- * 12 Passed
- * Science/Arts/Commerce

Form submit last date : 25th June, 2026

Application form lak theihna :

MFM Main Office, Bawngkawm (Near Vishal)

MFM School of Nursing, Durtlang North

Contact : 8014388698

9535701283

9862287328

(3-3)

LUNGLĒN HLA BU

A thlūk inmila rem, Solfa awm leh awm lo chu Synod Bookroom hrang hrang, Elpee B.S.; R.L.Nutei B.S.; CVL BASS leh V.L. Press, (Ph. : 8974927913)-ah lei tur a awm e.



Punjab & Sind Bank
(A Govt. of India Undertaking)
Where service is a way of life

PUBLIC NOTICE-2

NOTICE: CLOSURE OF INOPERATIVE ACCOUNTS WITH ZERO BALANCE

This notice is directed to account holders whose accounts have remained Inoperative for the last 8 years, with no customer-induced transaction for the last 10 years, and maintain a zero balance.

To avoid closure, please reactivate your account by submitting updated KYC documents at the nearest Punjab & Sind Bank branch on or before 20.07.2026. Accounts not activated by this date will be closed on or before 21.07.2026 without further notice.

ADVERTISEMENT No 1 of 2026

Samagra Shiksha, Mizoram hnuai Block Resource Centre-a thawk tur Accountant a hnuai Block hming tarlanah te hian lak a ni dawn a. A hnuai qualifications tarlan ang nei leh dil duh te tan Dt. 12th June, 2026 thleng dilna thelhuh theih a ni. Mahni awmna khua-a mi hna dil te chuan an dilna khaw mi an ni ngei tih finfiahna certificate V/C emawm L/C emaw in a pek an dilnaah thil tel tur a ni. Dan dinglai angin post ruak atanga 4% hi PwD tan reserved a ni. Dilna hi district tina District Project Office, Samagra Shiksha a lakchhuah leh website samagra.mizoram.gov.in ah download theih a ni a, dilna thelhuh hunah chuan Block kan dilna district a District Project Office-ah chauh thelhuh tur a ni.

Accountant {₹ 25,000/- (Fixed)}, Block Resource Centre

Name of District	Name of Block	Post ruak zat	Minimum qualification & other qualifications
Champhai	Khawbung	1	Bachelor of Commerce & Above with DCA / CCA
Hnahthial	Hnahthial	1	
Khawzawl	Khawzawl	1	
Lawngtlai	Kamalanagar	1	
Lunglei	Station (Lunglei)	1	
Mamit	West Phaileng	1	
Kolasib	Kawnpui	2	
Serchhip	Serchhip	2	
	East Lungdar	1	

Sd/-
(C. LALTHANZIRA)
State Project Director
Samagra Shiksha, Mizoram

(3-3)

National Institute of Electronics & Information Technology
Deemed to be University under Distinct Category
AIZAWL CENTRE
Ministry of Electronics & Information Technology, Govt. of India
Industrial Estate, Zungtui, Aizawl- 796 017

ADMISSION OPEN FOR 2026 AT NIELIT AIZAWL
(Tuition Fee FREE for SC & ST)

National Institute of Electronics and Information Technology (NIELIT) is a Deemed to be University under the Distinct Category as per UGC (Institution Deemed to be Universities) Regulations, 2023. It is the only University under the Ministry of Electronics and Information Technology, Government of India. The University offers Electronics and IT programs at UG, PG and Diploma levels, which are Research and Industry-relevant across its main campus and 11 other Constituent Units.

NIELIT Aizawl opens Admission for Academic Session 2026-2027 as details below:

1. Diploma in Computer Science & Engineering (DCSE)	Eligibility: 10 Passed	Few Seats Available
2. Diploma in Electronics & Telecommunication Engineering (DETE)	10 Passed	Available
3. Bachelor of Computer Applications (BCA)	Eligibility: 12 Passed (Any Stream)	Few Seats Available
4. Master of Computer Applications (MCA)	Eligibility: Any Graduate (Math in 12 or Graduation)	
5. BTech Computer Science & Engineering (AI&ML)	Eligibility: 12 Passed (Physics, Math)	
6. BTech Internet of Things (IoT)		
7. MTech (Artificial Intelligence)	Eligibility: B.E / B.Tech / M.Sc. / MCA	
8. PhD in Computer Sc. & Engineering / Computer Sc. & Applications		

Tentative Schedule and Admission

Course	Mode of Admission	Registration	Entrance Date
BCA, DCSE, DETE	NIELIT Entrance	Till 15 June, 2026	17 Jun 2026
MCA	NIELIT Entrance	19 Mar – 12 Jun 2026	17 Jun 2026
BTech CSE (AI&ML)	JoSAA, CSAB,	https://csab.nic.in, https://josaa.nic.in	
BTech (IoT)	NIELIT Entrance		
MTech (AI)	NIELIT Entrance (50% of seats)	19 Mar – 12 Jun 2026	17 Jun 2026
	CCMT (50% of Seats)	https://ccmt.admissions.nic.in	
PhD		Registration Open. Entrance Date to be notified soon	

For Application and more information, visit - <https://nielit.ac.in>

Helpline Numbers: 8259022647 / 8974579126 / 9862888307

Advertisement No. 11 of 2026 (6-4) Sd/- Director

TENDER NOTICE

The Engineer-in-Chief, Power & Electricity Department, Govt. of Mizoram, on behalf of Governor of Mizoram, invites tenders from interested firm for '132kV Line Ring Synchronizing Project Phase-I in Mizoram'. The details, may be seen at www.mizoramtenders.gov.in & www.power.mizoram.gov.in

Sd/- Engineer-in-Chief,
Power & Electricity Department
Mizoram : Aizawl

IPR No. 76
(2-2)

No.C.13016/W-49/2022-DISP/DTE(REV)
IN THE COURT OF DIRECTOR, LAND REVENUE & SETTLEMENT
GOVERNMENT OF MIZORAM
Phone No: (0389) 2322469 Email: lrsmizoram@gmail.com
Dated Aizawl, the 3rd June, 2026.

PUBLIC NOTICE

Tanhril Tuithum ram (MZU Road) a Mizoram Presbyterian Kohran, Synod Land Lease No. 49 of 2022 Mizoram Christian College sakna atana ruahman huam chhungah mimal LSC nei, ram enkawl zui lo an awm tih hmuhchhuah a ni a. He hmuna LSC emaw Revenue Pass dang nei te chu an address leh contact no hriat theih a nih loh avangin, helai hmuna ram nei chuan an hming leh address chiang taka tarlangin leh LSC xerox copy thil telin **Director, Land Revenue & Settlement Department** ah June 2026 chhungin thelhuh tur a ni ang.

Hemi hun chhunga Revenue Pass thehlu lo ten huntiam ral hnuin Department hmalakna sawibuai theih a ni lovang.

IPR No. 74
(3-3)

Sd/- R. LALTHAZUALA
Director
Land Revenue & Settlement
Mizoram : Aizawl

GOVERNMENT OF INDIA
MINISTRY OF FINANCE, DEPARTMENT OF REVENUE
OFFICE OF THE COMMISSIONER, CGST AIZAWL
D-31A, GST Building, MG Road, Upper Khatla, Aizawl - 796001
Phone: 0389-23464107 / 23475538 | Email: cgst.aizawl@gov.in

NOTICE INVITING TENDER

Hiring of Office Accommodation at Aizawl, Mizoram
The Commissioner, Central Goods and Services Tax, Aizawl Commissionerate, invites online bids through the Central Public Procurement Portal for hiring office accommodation at Aizawl, Mizoram.

Requirement: Office space of approximately 10,000 sq. ft. carpet area, located within Aizawl city, preferably near the city centre.

Lease Period: Initial period of 3 years, extendable by mutual agreement, subject to applicable terms and conditions.

Rent: Rent shall be payable as per assessment by the Central Public Works Department (CPWD).

Bid Submission: Interested parties may submit their bids online at <https://eprocure.gov.in/eprocure/app>. From 05.06.2026 09:00 AM and end on 26.06.2026 06:00PM.

For further details, please contact/visit: Office of the Commissioner, CGST Aizawl, D-31A, GST Building, MG Road, Upper Khatla, Aizawl - 796001.
Phone: 7629078703 / 8132978104 Email: cgst.aizawl@gov.in

Commissioner
Central Goods and Services Tax
Aizawl Commissionerate

RHUM-MAWI GIRLS' HOSTEL

Republic Veng, Aizawl

Rooms Available

- 11 single rooms (2 rooms with attached bathroom)
- 1 twin room
- 1 triple room (7 common bathrooms/toilets)

Location: Mualveng Chung, Republic Veng Near Kawilun, Aizawl

Contact Us: 9612128487 / 9612518961

Ei rawngbawlna gas man Rs. 29-in to leh, eptute phun nasa

Pathianni khan thla thum chhunga a vawi hnih ei rawngbawlna gas man chu Rs. 29-a tihsan leh a ni a, Middle East-a February 28-a indona a chhuak chuan India-ah hian ni tin mamawh, a bikin tualthei man a nghawng nasa hle a. Tun tuma LPG man tihsan hi eptu party-te chuan sorkar sawisel nan an hman phah mek.



man sang chho zel hian mipui nawlpui choka a hal mek a. Thla li kalta chhunga Modi-a sorkar chuan ram chhunga LPG cylinder man hi Rs. 89-in a tisang tawh a ni, a ti.

“Parliament-ah khan Pu Modi-a hian Asia khawthlang indona avangin ram 41 atangin tualthei lak luh a nih thu a lo sawi tawh a. Eng nge thlung zui ta? Eng-gvngin nge tun thlengin thingtlang lamah LPG an la tlakchham?” a ti bawk.

Kharge-a’n ‘thla li’ kalta chhunga thil man tihsan chungchang a sawi lain Congress telin hruaitu dang leh eptu party tam zawk chuan thla thum kalta chhunga thil man tihsan chungchang an sawi a, March 7 atanga tan a ni.

Mamata Banerjee-i kaihhrui Trinamool Congress pawhin LPG man tihsan chungchang sorkar lakah an sawisel a, a man tihsan hi chhungkaw makta-uai tam tak, sum hman tur lo inruahman fel tawhte tan ‘nasa taka tawrhna dang’ a nih thu an tar lang a.

“Hei hi BJP kal dan a ni a, khawvel buaina a lo chhuah hian mi retheite chuan an lungngai reng a, mi hause erawh chu an hlawhting del thung,” tiin X-ah an tar lang.

Samajwadi Party (SP) chuan BJP kaihhrui sorkar laipui hi na takin an sawisel a, mipui chu ‘BJP-in a khalh thil man sangin’ a tihbuai thu an sawi. “Thla thum

lekh chhungin LPG man chu Rs. 89-in a man a to tawh a, engtikah nge mipui rawkna hi a tawp ang? BJP paih bo la, ram chhanhim rawh u,” tiin party chuan X-ah an tar lang.

Ministry chuan Pradhan Mantri Ujjwala Yojana (PMUY) atanga beneficiary pakhat chuan LPG kg 14.2 man atan Rs. 642 a pe tih a sawi a, Delhi-a general consumer chuan Rs. 942 a pe thung a. Tunah chuan cylinder khat supply man tak tak chu Rs. 1,600 a pel tawh a ni.

Ministry sawi danin India-a petroleum product man hi khawvel pum huapa a man nen a inzawm a. Sorkar chuan LPG atana chhungkaw tinten a man pek chu a sang lo thei ang ber zel a nih thu a sawi.

Chhungkuoin Rs. 942-in bur an lei a. PMUY beneficiary-te hian kum tin a thun khahna hmasa paliah bur khatat direct benefit transfer Rs. 300 an dawng bawk a, hei hi a tlangpuiin Ujjwala chhungkaw pangngai kum khata an hman zat a ni a. Hei vang hian thun khat nan Rs. 642 an pe niin sorkar chuan a sawi.

Bengal-a chak lo TMC chhungkua a buai zui mek zel

May 4-a West Bengal assembly inthlan result puan a nih khan kum 15 chhung zet an state-a rorelna fawng chelhtu, Trinamool Congress (TMC) chuan member 294 awmna rorelna inah seat 80 chauh an la a. Chiang taka an chak loh hnuah tun hnaiah party chhunga inrem lohna lian tak awm zuiin Mamata Banerjee-i kaihhrui party tan hian inthlana chak loh chu buaina intanna ang chauh a ni mek.

Kar liam ta khan party MLA 58 chu helin Bengal-a eptu party lian ber nih an tum thu an sawi a, hei hian party chu a then mek a. Zirtawpni khan Mamata-i chenna ina thutkhawm kohvah hel ve lo MLA zinga pariati chauh an tel zui.

Party chief ina kalte hi Bina Mondal, Ashima Patra, Madan Mitra, Kunal Ghosh, Firhad Hakim, Sobhandeb Chattopadhyay, Biman Banerjee leh Ashok Kumar Deb te an nih thu news agency ANI chuan a tar lang.

MP pawh paruk chauh - Dola Sen, Mala Roy, Kalyan Banerjee, Abhishek Banerjee, Derek O'Brien leh Sudip Bandyopadhyay te an tel bawk a. TMC hian Lok Sabha-ah MP 28 lai an nei a, Rajya Sabha-ah MP 13 an nei bawk.

TMC MLA tam zawk hel mekna hi tun hnaia party kal zawnga a chet avanga an hnawh chhuah, Ritabrata Banerjee-a kaihhrui an ni a. Nilaini khan assembly speaker hmuin Leader of Opposition (LoP) atana ruat a nih thu a puang a, hei hian party chu buaina khiairh takah a hruai lut.

Tun hi Mamata-i’n Congress nena inthana party a din atanga kum 30 chhunga an inthenna hmasa ber a ni.

TMC-a Muslim MLA 34 zinga a chawve vel chuan zirlai hruaitu hlui, kum 2017-a Communist Party of India (Marxist) atanga hnawh chhuah lo ni tawh, kum 2024-a TMC-in Rajya Sabha MP atana an dah, Ritabrata-a an thlawp mek a ni.

Party pui atanga hel mekte hian Mamata-i chu an ‘principal adviser’ ni turin an ngen dawn tih an sawi a; mahse, a vahpa, party national general secretary Abhishek-a nen erawh inzawmna an nei dawn lo tih an sawi a. Ani hi kum 2016

atanga an party-a thu ber dawtu ni tan a ni. “TMC Legislative Party hi MLA 58 awmna a ni a, TMC symbol hmangin hnehma an chang a, tunah chuan assembly-ah hian TMC tak tak kan ni,” tiin Ritabrata-a chuan a sawi.

Speaker a kawm zawwah thuthar lakhawmtute a kawmnaah pawh, “Kan thu sawi hi speaker-in a pawm,” a ti.

TMC hian West Bengal assembly speaker-in Ritabrata-a LoP atana ruat chungchang dan anga hmalak a tum a, party MP Kalyan Banerjee chuan he thutlukna hi ‘dan bawhchhiatna’ tiin a sawi.

“Speaker-in LoP a ruat hi dan kalh a ni tih kan pawm a, hei hi Thawhtanni hian court-ah kan kalpui dawn a, high court-ah petition kan thelhtu dawn a ni,” tiin a sawi a. BJP chu TMC worker-te ‘that’ leh thu buai dik lova puha thelhtu a puh bawk.

Zirtawpni Kolkata-a Kalighat-a chenna inah party hruaitu leh chief minister hlui, Mamata-i hova an thutkhawm zawwah Kalyan-a chuan, “Khawlaiah kan bei ang a, court-ah pawh kan bei zel



ang,” a ti.

Bengal-a TMC buaina hi assembly inthlana an tlawmna leh inrelbawlna sawiselna atanga intan a ni a. May thlaa BJP laka an tlawma Chief Minister Suwendu Adhikari-a kaihhrui BJP sorkar a din hnuah TMC hruaitu tam tak chuan party kalphung, inrelbawlna leh thuneihna hman khawloh dante chu sawisel tan a ni.

Party chhungah phir awm angin thawm a awm zui a. TMC MLA 80 tling thar zinga tam tak (hel lam) chuan an hruaitu lawk tak, Abhishek Banerjee (Mamata-i vahpa) chu thuneihna hmang sual an puh a. Buaina a lian tial a, June 3, 2026 khan TMC MLA tam zawk (58 vel) thlawpna hmuin Ritabrata-a chu West Bengal Assembly-ah LoP atan speaker-in a pawm thial a ni.

Helte hian Mamata-i chu an zah em em rualin tunah chuan thurawn petu (advisor) ang chauhva awm turin an duh tawh a, party kalphung thar an phut a ni.

Helna thleng danchah an tumin TMC hian Nilaini khan West Bengal-a an party committee leh frontal organisation an thiat vek a. Party dinhmun enfiah leh siam tha tura hma lak an tum.

MLA helte hian Mamata-i kaihhrui TMC hi an sorkar lohna a lai rei loh rualin inthlana a tlawm chian em avang leh chhungkaw thuneihna (Abhishek-a lam) an duh lohna avangin a tam zawk an hel a, party a tithen mek a, an dinhmun a derthawng mek a ni.

TMC MLA helte hi MLA 80 an neh hmun thuma thena hman khat an tlin miao avangin dan angin tinna party phatsan an ni thei lo.

Meghalaya-ah ramri hung duh lohna lantir

Meghalaya-a India leh Bangladesh ramri bula khaw pakhat chenge chuan Pathianni khan ramri hung tumna duh lovin an pungkhawm a, hung a nih chuan ram dang nen an inhlal dawn lutuk niin an sawi.

Meghalaya-a East Khasi Hills district-a zero line-a awm, Lyngkhong hi Bangladesh-a chenna hmun atanga metre tlem te chauhva hlaa in awmna khaw tlemte zinga mi a ni a. Khawvel danah ramri hung hi zero line atanga

yard 150 tala hlaah tur a ni.

Tual chhung mite chuan COVID-19 len laia khaw mipuiten mau hmanga hungna an siam vangin Bangladesh atangin an inthen nasa niin an sawi a, tun thlengin a danglam lo niin an sawi.

Pathianni khan nawrh an huaihawt a, Pynursla sub-divisional officer hnenh atanga metre tlem te chauhva hlaa in awmna khaw tlemte zinga mi a ni a. Khawvel danah ramri hung hi zero line atanga

yard 150 tala hlaah tur a ni.



India chhungah leh hungna chhungah a awm reng theih nan zero line-ah hun ni se kan duh a ni,” tiin khaw

hotu, Ramu chuan PTI a hrilh.

Ruahman dan chuan Lyngkhong hi hung pawnah

a awm dawn tih a, hei hian inpawhna, humna leh an awmna zel turah ngaihtu-ahna a tibuai niin a sawi.

hotu, Ramu chuan PTI a hrilh.

Ruahman dan chuan Lyngkhong hi hung pawnah

RAM PAWN

Inkakhai karah US leh Iran inbeih chhunzawm

US leh Iran inkara inkakhai derthawng tak chu fiahin a awm mek zel a, American sipaite chuan Iranian drone leh radar hmunte an bei leh a, Iran pawhin Gulf-a US awmhunte missile hmangin a kap bawk.



US sipaite chuan Iran-in Strait of Hormuz lam hawia Iran-in drone pali a kah chhuah avangin Inrinni khan an bei thu an sawi a, Iranian chet dan chu tui puia lawng kalte tana hlahawm a nih thu an sawi a. Drone-te hi kah thlak a ni tih US Central Command (Centcom) chuan a sawi.

Tehran chuan US-in beihpui a thlak chu ram pahnihte inkakhai thuthlung bawhchhiatna ‘langsar tak’ a nih thu a sawi.

Iran hian a chhang le ngal a, Kuwait-a US air base pahniht leh Bahrain-a US Navy hmunhna chu ballistic missile hmangin a kap niin Iranian news agency Irib chuan a tar lang.

Bahrain leh Kuwait-te chuan pawikhawihna thleng hi an dem ve ve a, drone leh missile kah chu hlawhtling takin an lo dang niin an sawi.

Centcom chuan Gulf ram pahnihta Iran-in missile a kah pasarih zinga paruk chu an lo dang a, pakhat chu a tum a thleng lo tih a sawi.

United Arab Emirates leh Qatar-te pawhin Iran-in Gulf-a an thenawm ramte beihna chu an dem hle.

Iranian foreign ministry chuan thuchhuah siamin Sirik leh Qeshm thliarkara radar hmunte US-in a beih chu inkakhai bawhchhiatna langsar tak a nih thu leh, ‘Islamic Republic of Iran ram thuneihna leh ramri chin

hdanglam a dil niin an tar lang bawk.

Kar hmasa Thawhtanni khan Iranian foreign ministry thupuangtu chuan US hian ‘a ngaihdan a thlak danglam reng a, thil thar emaw, inhnialna emaw a siam chhuak reng a ni’ tih a lo sawi tawh.

US leh Israel hian February 28 khan Iran chu nasa takin an bei a, Middle East ram pumah buaina a chhuah zui phah.

Iran hian phuba lak nan Gulf-a Israel leh US tanpui ramte bein khawvela tualthei leh liquefied natural gas phurh 20% vel kalna, Strait of Hormuz chu a khar zui bawk.

Heng tualtheite hi Iran atang chauh ni lovin Gulf ram dang - Iraq, Kuwait, Qatar, Saudi Arabia leh UAE atanga phurh chhuah thian an ni. Strait khar a nih avang hian khawvel pumah tualthei man a sang hle tawh.

April thla tir lama inkakhai an remtih hnu lawkah US chuan Iran lawng chawhlmunte a khar zui a, hei hi Trump-a chuan ‘inremna siam, thichian leh ziah a nih hma chuan kalpui chhunzawm zel a ni ang’ tih a sawi zui bawk.

Chinese president-in North Korea tlawh dawn

Chinese President Xi Jinping-a chuan tun kar hian North Korea-ah Kim Jong Un a hmu dawn a, kum sarh dawn hnu a tlawh hmasak ber tur a ni tih ram pahnihte sorkar chanchinbuten an tar lang.

Xi-a hi Kim-a sawmna angin Thawhtanni leh Thawhleini hian North Korea-ah a tlawh dawn a. Xi-a’n Pyongyang a tlawh hnuhnun ber chu kum 2019 kha a ni.

Xi-a’n Beijing-a US President Donald Trump leh Russia President Vladimir Putin-a a mikhual hnu chawhlar eng emaw zat liam hnuah North Korea hi a tlawh dawn a ni.

Eibar leh politic-a China kawpui, North Korea hi nuclear ralthuum program leh mihring dikna chanvo bawhchhiatna pawh a nih avanga ram dangin an hrek lai

mek a ni.

China leh North Korea hian km 1,400-a thui ram an inri a, ram venhimna kawnga inremna a neihpui ram awmchhin a ni a. An pahnihta pakhat zawk hian beih a tawh a nih chuan inpu tura inremna nei an ni.

Kumin hi chu thuthlung siam kum 65-na a ni.

Kim-a tan chuan Xi-a’n a tlawh tur hi a pawimawh hle a. North Korea hi hripi leng tuar chhuakin Russia lam tanga Ukraine indonaah a tel hnuah khawvel mithmuhah a dinhmun a tha ve mek zel.

Beijing hi Pyongyang leh Moscow nen inzawmna nghet tak nei mah se Xi-a hian Kim-a leh Putin-a inkar tha zel chu a ngaihvhen hle a ni.

Pyongyang hian Russia lam hawi deuh thin mah se sumdawmna a

thawhpui lian ber, Beijing hi Kim-a tan chuan nunna atana pawimawh ber a la ni reng.

Kim-a hian tui pui kam leh vur tlennga hmun a siam tharte tlawh turin ramri kalntanga sumdawmna tam zawk leh Chinese khualzin tam zawk an luh theih dan a dap beisei a ni.

Kim-a hian a nuclear leh missile a pho lang nasa a. Mi pawimawh tlawhtute hmaah an khawpui, Pyongyang a pho lang nasa bawk. US hmaa kut lo leh South nena inzawmna nei lovin thil a ti thei thil pho lan a a duh viau bawk.

Kim-a hian December, 2024-a South nena inpu-khatna tura hmalkana tihtawp a nih thu puan atang khan South Korean-te mchu hmelma thutiam neiah a sawi a, Seoul nena inbiak-pawhna zawng zawng a ti-



tawp tawh bawk.

Seoul-in pawh tuma hma a lakna chuan Pyongyang-ah a ri chhuah pha rih lo niin a lang.

Seoul chuan Xi-a’n a tlawh hi an inkara palai a nih theih a beisei a, Pyongyang hi Seoul leh Washington nena inbe chhunzawm turin nawr se a duh.

South Korean Unifica-

tion Minister Chung Dong-young chuan Xi-a’n Kim-a nena an inkawmnaah US leh North Korea inbiakna tan leh dan tur a sawipui a rin thu a sawi.

Thla hmasaa Trump-Xi inkawmnaah khan hruaitu pahnihte hian North Korea-a nuclear ralthuum tibho tumna an neih chu an nemnghet leh a ni.

Ohio-a kut hmannaah mi 12 kap, a kaptu zawng mek

US laili thlang lam state, Ohio-a Toledo-a kut hmanna bula mi 12 vel kaptu chu police-in an zawng mek tih an sawi.



Toledo Police Department chuan mi 10 chu ‘an dinhmun a tha a, pahniht erawh an dinhmun a tha lo hle’ niin an sawi.

Inrinni tlai dar 05:37 (India-a Pathianni zing dar 03:07) vel khan Old West End Festival hmanna bulah silai hmeh puah a nih thu an dawng tih an sawi.

Toledo Deputy Police Chief Joe Heffernan-a chuan mi pahniht silai an kap niin a lang a, ‘an inkap tawn pawh a ni thei’ tih a sawi.

Online-a video a tih-chhuah chuan silai ri leh mipui tlan leh au chuah chauh lai a lang.

Silaimu tuarte hi

kum 16 leh 61 inkar an ni a, Toledo Mayor Wade Kapszukiewicz-a chuan a hmam tual chhung chanchinbu, WTOL 11 hnenah an vai hian an dam chhuak vek tura ngaiht an nih thu a lo sawi tawh a ni.

Thil thleng hmute, Tito Aguilar-a chuan CBS News hnenah ei tur an order lain

‘kumtinglo’ pawl khatin thalai dang an bei lai a hmu tih a sawi.

Aguilar-a chuan a phone-ah record a, chumi hnuah silai ri a hriat thu a sawi a. A tlan sawn zui niin a insawi a, a tawp a thianta zawng turin a kir leh a, silai hmeh puah vanga hliam tuar nia lang mi eng

emaw zat a hmu tih a sawi.

Police Lt Dan Gerken-a chuan tharum thawhna a thleng chuan a timangang hle tih a sawi a. “Mi 12 kah an ni a, hei hi ka hmuh tawha a tam ber a ni a. Tharum thawhna hmam tam takah ka kal tawh a, tun hi a nasa ber a ni,” tiin thuthar thedarhtute a hrilh.

Gerken-a chuan police-ten a tuartute leh hmute an kawm a, thlakakna lo lakte an en fiah mek tih a sawi a. Mipuite puihna a dil bawk.

Old West End Festival hi ni hnih chhung awha live music, food market, beer garden, in tour, bazar leh thil dang tam tak nena lawm thin a ni.

Police-te chuan chhui-naah hian Delaware Avenue leh Robinwood Avenue pawh an huam a. Festival website-a map chuan a inkar kawngpuih hian ramawi leh ei tur hmun a awm tih a tar lang.

Online-a video dang tichhuah chuan hlanga mi pahniht an zawn lai a lang a, hliam tuar eng emaw zat chu phul hmuna an mu thar tih a lang bawk.



RK Dawla
Mb 9366095658

SUSTAINABLE, INTEGRATED FARMING IN MIZORAM - 23

1. June 2026 chu chawhkar khat a liam leh ta. Ruahtui a chawl hlek a. Nikir khaw cheng kan hmu thui turah ngai ila. Leilung leh boruak a lumin a hnawng tha bawk a, hnim chi tiah leh than duh hun, thlaite than duh hun a inher chho mek a. Chawmo insiam that hunlai nangching turin, eichhetu rannung pawh an puang tawh viau bawk. Ram lamah pawh thosi leh tlip an puang fan a, hnathawh ti nuam lo tham an ni fo thin. Inchei nikhuaa inkah rimtui nana kan hman thin perfume spray-te hi, hnathawh nikhuaa thosi/vaih-mite seh tam lutuk tur laka invên nan an tihchi ve phian a. Thosiin min seh hian, an thiante hnenah an mamawh thisen dawt tur a awm tih hrilh nan, pheromone an tichhuak a, chu chu kan taksaah kan kai ta a. Tichuan, a dangho pawh rawn kalin min vir hut hut thin. Chubakah, kan thlan rim hian a ko bawk. Zan lama zu inho pawh an thlan atanga zu rim chhuak vangin, khawivahin an bawm duh em hi. Tichuan, heng thosite pheromone leh kan thlan tla rim luahlan turin perfume hi hnathawh thawmhaw-ah kap zeuh ila, thosi seh kan tawrh nep phah viau thin. Company tam takin thosi repellent cream/lotion an siamchhuak bawk a. Hengte hi kuthnathawkmi tan chuan hman a lukhawng hle bawk e.

2. Kan ram zim te-ah hian, thlai chin

tur thlan kawngah ngaihuahna kan hman a tul hle a. Thlasik Dawnfawh kan intihmuh a, a ching thang chuan kan thiam tawh viau a, midang kan intihmuh viau zel bawk. Dawnfawh hi kan thawnchhuak lutuk lova, Mizoram chhunga hralh kha kan em ber a. Ramdang atangan a lo lut reng bawk nen, tun dinhmuh chuan Thlasik dawnfawh thar lai hi chuan, a chingtu lam hi a hralhna kawngah kan buai fan der! Tin, Dawnfawh hi a man a tam hma a, mi naranin a pum pumin kan lei phak lo deuh a, khawimaw laiah a zai lep-sa kan lei zeuh zeuh a nih loh chuan. Chuvang chuan, dawnfawh chhungkaw zinga mi tho, Fanghmate hi kan uar thiam a tul ta viauin a lang. Company siam fanghma chi chauh ni lovin, kan local fanghmate pawh hi off-season-ah a lo chin theih em em tih kan hmuchhuak a. Chuvangin, mi uar ang uar ve ngawt lo deuh, kan leilung mil, kan hun neih dan mil leh kan market mil thlai chin tur thlan kan thiam a ngai hle.

3. Mizoram chhunga hralhna buai ngai mang lo, kan heh em em si chu paan/kuhva hi a ni. Kuhva hi chu khawthlang lamah an uarin an hlakpui viau a. Tin, tharchhuak turin thangkhat lian dawn ngah a ngai ve bawk a. Ni tin eichawp dap tan hma lak tak tak a har deuh. Paan ve thung erawh hi chu, kan intodelh lo nasa hle. Kum khat (thla 12) chwung leka puitling hman, huana thing awmsate kit rem

kher lo, thawlh thawl ringawta chin mai theih kha a ni a. Kan la uar lo em em. Tin, market thuhlaah pawh, thenawm state at anga panhnah rawn zuarte luahlan hi a har lo. Anni aia tharlam zawk, tlawm zawk hleka kan pek theih chuan, min compete reng thei lo chiangsa. Hmunhna buatsaih lutuk ngai lo, thing tamna ram nei tan chuan, panhnah chin mai hi Mizoram khawi laiah pawh, 1200m aia hniamah chuan a tihchi vek mai. A zam sang lutuk tur veng tur te, hniam taka hnah hlai tak tak tharchhuak tur khan kan biakrawn theih bawk a. Tin, a chi tha kan kawh deuh reng bawk. Sumdawng hnen atanga thlai tiak lei hian, a enkawl zuina lamah min pui zui thei tawh lova, a man an chhiar to viau t hin bawk. Tin, a chi tha leh tha lo kha an hre ve tak tak lo bawk, a suak a tam duh em em. An thiam loh ni lovin, anmahni rawn supply-tu lam thiam loh zawk. Hman deuha Dept kaltlanga kan Limbu/Nimbu tiak dawn kan phun pawh Serfang deuh vek! Paan chi tha, Mizorama kan enkawl chhel tawh, tui bik leh hrisek tha atanga farmer-ten a chi kan siam hi chu sumdawng hian an hmu pha dawn lo hin hrim. A duh tur tan kan biak theih e. Chu mai bakah, a enkawl zuina leitha leh natna buaipui kawngah, kan pui zui thei bawk. Eng pawh ni se, thlai tiak kan lei dawn a nih chuan, a theih chin chinah direct-in, kan farmer-puite hnen atangan lei hrâm hrâm ila, a manhla ber e.

COCKROACH JANTA PARTY (CJP) – CHUKCHU PARTY CHU LE!

David Lalrinchhana

Cockroach Janta Party (CJP), a sap tawng chuan 'Cockroach People's Party' tihna mai, Indian Satirical Political Movement lian tak ni mek chu May ni 16, 2026 khan din a ni a. A dintu hi Abhijeet Dipke niin, Aam Aadmi Party tan pawha political communications strategist tha tak lo ni tawh thin, zirna leh mahni mimal hmasawn duhna (ama sawi danin) avanga Boston university, USA lama awm mek a ni. CJP lo din chhuah chhan tak chu kan hri-at theuh angin Chief Justice of India, Surya Kant thusawi pakhat avangin a ni a; May ni 15, 2026 kha thalai hna nei lote chu CJI chuan "Chukchu" leh "Parasites of society" tiin tangkaina nei lo, mi dang thawhrah zar zoa nung ve satliah ang main a tehkhin a. A tawngkam takah phei chuan heti hian a sawi bawk a:

Thalaite zingah Chukchu ang mai an awm, eizawna mumal leh hna tih tlak nei lem lo an ni. Chhung zinga t henkhatte chu chanchinbu mi-ah te, social media lamah te, RTI activist leh activist dang hrang hrangah te lo chhuakin, mi zawng zawng an bei chiam chiam mai a ni.

Chu tawngkam denghawng tak avang chuan India ram thalaite chu an sahuata khawih ang main an phu suau a ni ber a, CJP a lo din phah ta a nih kha. CJI pawh chuan a thusawi chu rawn sawi fiah vatin, media lamin an ziak sulah puhin a sawi tum chu 'degree lem leh belh chian dawl lo' neite a sawina chauh niin a sawi a, mahse, awmzia a nei tawh lo. A hming pawh Chief Justice of India tawngkam pakhat leh ruling party ni mek BJP hming la khawpin Cockroach Janta Party tih a ni nghe nghe. Din a nih hnu lawk rei lo te tak takah mi 350,000 lai website lamah in sign-up an awm a, tun dinhmuh hian Instagram lamah 22.1 million followers an nei mek hem mai. Hei hi BJP (9.4m), INC (13.7m) leh AAP (1.9m) te chuan an pha lo nasa hle. He movement hi social media chauh ni loin a taka chet chhuah te pawhin an kalpui tel a. Volunteers te chu protest nei tawh te awmin, a thenin Chukchu

anga inthuum leh inchei danglam in khawlai tihfai hnatlang te an lo nei ve bawk a nih kha. Heti taka an len takah chuan Election Commission of India lama la in register si loin India ram t halaitte ngawng thil issue hrang hrangah active takin an lo inlar chho zel a ni.

Party Thu Ken leh Tum

A tuk lawkah an leader Abhijeet chuan CJP zawm turte tana tul leh pawimawhte a lo sawi a hetiang hian:-

- Hna nei lo
- Thatchhe tak
- Online reng mai
- Awmze nei zawka vuivai thiamna

CJP hian an website design atan te, an promotion atan leh thlalak theh darh turte chu AI hmang tangkaiin an siam deuh vek a, an party logo te pawh AI hmanga siam a nih hmeh.

Thalaite pual, thalaite din leh thalaite tana thawktu nia inchhalin, 'secular, socialist, democratic leh lazy' tih chu an party lungphum a ni a. Thu tak deuh sira fiamthu leh tih elna lam zeh tel chu an party nihna lian ber a ni awm e.

An Manifesto atan te pawh chuti-ang zelin tih elna sira thu tak leh pawimawh ru tak tak si an chhawp chhuak a:-

♦Chief Justice te chu an retirement lawman atan Rajya Sabha MP seat pek an ni tawh lo ang.

♦Vote dik taka nei paihsak an nih chuan Chief Election Commissioner chu UAPA hmanga man a ni ang a, vote thlak theihna inlak bosak chu terrorism aiin a nep bik lo.

♦Hmeichhiate chuan 50% reservation seat parliament member nih theih zat tipung si loin an nei ang a, cabinet post atanga 50% pawh hmeichhia an ni ang.

♦Adani Group leh Reliance Industry ten Media an neih zawng zawngte chu an license cancel-sak tur an ni ang a, Independent media chawi sanna atan a ni ang. Godi media thupuangtute bank account chu chhui zui an ni bawk ang.

♦MLA emaw MP te anmahni tlinna party chhuahsana party dang zawmte chu kum 20 atan election chuh thei lo leh public office luah thei lo tura hrem an ni ang.

A hnu Anjali Bhardwaj rawnta anga an pawm leh point dangte chu:

♦An party chu RTI act hmanga engkim zang leh chhang thei a ni ang.

♦Secret Cockroach CARES Fund (PM CARES Fund sawi hlawh tak) siam a ni ve lo ang.

An Party Dintu leh Hotute

Cockroach Janta Party dintu ber Abhijeet Dipke hi kum 30 mi niin, Political communication strategist an tih ang hi a ni a. Social media leh digital khawvelina mihringte politics thlar dan kawnga awmzia a neihzia lantirtu leh mipuite message thawn chhuak a, an ngaihven zawng chhawp chhuahsak kawnga thawktu lian tak kan tithei awm e. Party atanga politics lut ni loin, Digital media atanga lut a ni, an ti hial reng a ni.

Journalism subject-ah Undergraduate Pune lam atanga zo niin, Boston University, USA atangan Public Relation lamah Master degree a nei leh bawk. Kum 2020 atanga 2022 chhung khan Aam Aadmi Party-ah social media lam tana thawktu turin a inpe a. Kum 2020-a AAP-in Delhi lama sorkarna an chan tum pawhin social media kaltlangin meme hmanga nasa taka mipuite rilru leh titi hrui kawitu tha tak a ni.

Nilaini maia an party Spokesperson tur pathum an ruat tharte chu – Saurav Das, Vijeta Dahiya leh Ashutosh Ranka te an ni. Saurav Das hi investigative journalist niin, ani hi Chief Spokesperson ber a ni nghe nghe a. Nikum lawka India Gate bula anti-pollution protest-ah pawh a meizang hlaptu a lo ni tawh bawk. Vijeta Dahiya hi ziak mi ni bawk, film siamtu leh content creator ni bawk a ni a, 'Power of Universe' tih leh 'To Hell With That Job' tih lehkhabu a lo khawr pum ve zan tawh bawk. Ashutosh Ranka pawh hi IIT Kanpur leh London School of Economics chhuak ngat niin, McKinsey & Company, London tana lo thawktu tawh a ni bawk. Ani pawh hi nikum lawka India ram rawn let niin, Amaira Suicide case leh NEET paper leak chungchah te pawh public movement hruiatute zinga mi a ni.

Chutih mek laiin March ni 14, 2026 maia Jodhpur Central Jail atanga sorkarin a chhuah climate activist So-

nam Wangchuk pawhin CJP zawm a tum thu a rawn sawi ngal a. June ni 5 thlenga engmah danglam a awm loh chuan June ni 6 a protest lo awm turah CJP a zawm tur thu a lo aupui ve bawk a ni.

Anni bakah hian MP ni lai atangan Mahua Moitra, Trinamool Congress MP ni mek pawhin a social media lamah a support hle a. Shashi Tharoor Congress MP ni lai pawhin he movement a support thu leh thalaite chu zawm vek tura a fuhna thu article te hial a chhuah bawk a. Kirti Azad leh Akhilesh Yadav te pawh politician zinga ualau taka CJP thlawptu an ni.

An Protest Chhan Tur Chu

June ni 6 a protest neih an tum thu chu June ni 3 kha an spokesperson te hian an sawi tawh a. An hotupa Abhijeet pawh US atanga a lo thlen vele parliament kawta Police station-ah Jantar Mantar-a Protest neih phalna dilin a tlang ngal dawn thu an sawi a, he protest boruak hi a nep lo a, politician lar tawh leh activist lo support-tu an tam nen, mi an tam a rinawm.

An thupui lian ber tur chu 'Education Minister bantir' a ni. Tun hnai India ram pum level atana exam buatsaih hrang hrang hming chhiatna te, NEET (UG) paper leak leh exam cancel a lo awm fo tak avangte hian a mawhah lain India ram zirilaite lungawi nan Education Minister a ban a ngai tih chu an au hla lian ber tur a ni a. Tun hnai CBSE Chairman leh Secretary transfer satliah maia lungawi thei an ni tawh lo a, heti taka system rintlak lo kan nei te, Technology lama khawvela hma hruiatute nia inchhal siin data exposure awm maite chu India ram security leh thalaite hmakhua atan pawh thil t ha lo tak a nih theih avangin ram pum anga mualphona lian takah an ngai bur a, a mawhah lain Minister ban ngei hi t ul an ti tlat a ni.

Sawi Zuina

An ding tir chauh naa chu Union Minister Kiren Rijiju leh Sukanta Majumdar te chuan an social media lamah an lo chhang ve vat bawk a; anni hian an follower tam zawkte hi Pakistan atangan an ni deuh vek an ti a, Rijiju phei chuan Conspiracy theory avanga hming thang George Soros gang nen a sawi zawm nghe nghe. Amaheraw-

bawhzui reng em? Taxi driver-te pawimawhna kan sawi vawng viau rual hian, hmingchhiatna pawh thlen theitu an nihna zawnah, engtiang chiahin nge zirtirna kan pek thin tih hi kan inzawh a pawimawh hle bawk awm e.

Taxi driver zingah fel tak tak, khualzinte pawhin social media lama an fak zui mawlh mawlh tam tak an awm lain, zu rim nam thur thur chung khualzinte lo hmachhawn duh mai pawh a awm theih a. Chutiang mi chuan khualzin lakah pawisak an nei tehchiam lo maithei. Social media thenkhata "Mizoram chu a nuam lutuk, bla bla.." tih changchawia Mizoram lo zin vang vangten, Mizoram leilung an rawn rah ruala taxi driver zu rim nam thur thur an rawn hmachhawn ngal mai chuan, "E heu! hei hi maw Mizoram chu!" tih chu mikhual laka kan lan dan hmasa ber (first impression) a ni ang a, taxi driver zu rim nam thur thurin uchuak taka taxi fare a laksak phei chuan, Mizorama cham rei chakna a reh rawih ngei ang. Hetiang hi thil thlang thei a ni a, taxi driver-te eizawna hna (profession) hi mipui rawngbawlna, khualzinte rawngbawlsaktu, Mizoram mipuite tihmingchhiaa tihmingtha theitu an ni a, tun aia uluk zawka taxi driver-te hi kan chher hriam a pawimawh dawn ta hle tihna a ni ber awm e.

THE AIZAWL POST

Editorial....

Mizo Daily Newspaper

Taxi driver-te

Tourism minister chuan taxi driver-te hi 'tour guide' an ni a, 'information centre hmasa ber' an ni, a ti a. Mi chi hrang hrang an phur a, mikhualten Mizoram chanchin Chiang zawka an rawn hmehliatna hmasa ber an ni a, Mizoram hi an phur a, an pawimawh tak zet a ni' a ti bawk. He thu hi kar kal taa 'Taxi Pu Titi' lehkhabu a tlangzarhaah tourism minister hian a sawi a ni.

Ni e, taxi driver-te hi khualzin tam zawkin Mizoram an lo luh phata mihring an hmachhawn hmasak berte an ni. Chu mai chu a la ni lova, Mizorama an cham chhunga hmun hrang hrang fan kual nana veivahna hmanrua an hman rim ber pawh taxi tho. Mizoram an chhuahsan dawna phur haw lehtu pawh taxi driver-te bawk. Tourism minister-in 'tour guide' tia taxi driver-te a vuah hi a inhmei hle a ni.

Chuti ni se, taxi driver-te hi mikhualte hnena Mizoram leh a chhunga cheng Mizo hnam ziarang lantirtu pawimawh berte zinga mi an ni kan tih mek lai hian, eng tiang chiahin nge taxi driver-te hi khualzinte lo dawnsawn dan turah awareness kan pek t hin? Tourist thenkhatin social media lamah taxi fare a sang tia an sawi thawmte hi thuneituten an bengkhawnin an

hchu, CJP lamin an follower te awmna location an rawn tar lan (94% India) hnu kha chuan an reh ta thung a. Hetiang mi vau leh nawr beh te, sawi nep te hi an thiam em avangin hetiang hi a thlang ta reng niin Abhijeet hi chuan a sawi a. Nepal leh Bangladesh angti hi India Gen Z te hian an thlentir thei reng a ni tiin vaukhanna ang deuhin a chhang let ve a nih kha.

India ram chu ram lian, mipui tamna ram kan ni a, mi tin tan hna inpek a harsa lo thei lo. Chu akarah kan sakhaw vawn leh khawsak phungin a zir loh vang nge faina leh thianghlimnaah kan hniam hle a, kan resource neihin a tlin lo bawk. Chutiang kara ram hruiatute nih pawh hi hautak tak tur a ni a, sorkar leh constitution tha tak kan nei azarah zirna kan dawng tha a, mipui kan fing zel a, sorkar tan pawh mipui hmasawn leh lehkhata thiam tamna chu pal zam kan har tulh tulh reng dawn a ni. Hna nei lo tam tak India ram thalaite hian social media leh hmun dang dangah an hun awl an hnawh khat a, an lungawi lohna leh sorkar laka an vuina te an aupui nasa ve thin. Chutiang chuan uchuak leh Zo-nun ze mawi tel ve hauh loa rak piap piap an tam ve phei chuan a fawng vavunt tan chuan hmuh leh ngaihtlak hrehawm tur a tam ve hle awm e. Amaherawhchu, kan rin em em leh nihna sang tak nei CJI meuh ka atanga 'Chukchu' ang maia tehkhinna chhuak kha a mawi loin a uchuak tak zet a, India ram thalaite tih tlak tak tak leh ram tana contribution ngah an tam viau nen, a vai hma pawp mai kha a tisuat tak zet a ni.

Democracy ram kan nihna ang takin miin an lungawi lohna leh an vuinate hi zalen taka an aupui ve theihna dan kan nei miao a. Tin, democracy rama cheng mipuite hi Pressure cooker chung cheng ang kan ni a, kan boruak tawn sa leh uap lutuk chhuahna tur vent tube kan mamawh a, chu lai hmun chu tih pin a nih a, valve mumal kan nei bawk si loh chuan kan lo puak darh ta mai thin reng a ni. Chutiang chiah chu CJP lo din chhan pawh hi niin a lang, t halaitte vuina leh inhrickthlak vena awm chhun ang angti tihawpsak a, umzui a, vau fo te hian a tawpawh ring taka puah durna a thlen duh chawh a nih hi maw.

(Phek 3-ah chhunzawm...)

Paris lalnu thar a piang ta!

A hming Andreeva



Russian tleirawl kum 19 leka upa Mirra Andreeva chu kum 18 mi ni chung a 1992 champion Monica Seles hnu lama Roland Garros women's singles title la leh thei naupang ber niin, a Grand Slam trophy hmasaber a sualchhuahna kawngah Inrinni zan khan French Open final match-ah harsatna lian tawk loin Poland nula Maja Chwalinska lakah 6-3, 6-2 hnehna nuamsa a chang.

Court Philippe Chatrier-ah khan kumin zet chu vantlang rin loh pahnihin final an khel a; Pole Iga Swiatek ropui loh kumah a chipui leh amah tia lek tur Chwalinska chuan final a lut nawlh a; lasi thawnthu ang maia a kal tuang lai erawh

final-ah a chhonzawm zo ta lo a; qualifying at anga huaisen taka inlan thin world number 114 hian match kaw chung tehreng a chak zawna a thlah a ngai ta a, Polish fans za telin lungnurn takin an hero thar chak zo lo lai an thliriam!

Eighth seed Andreeva kha kum 2020 champion Swiatek hnu lama tleirawl ni chung a Suzanne Lenglen Cup chawi leh thei hmasaber niin, Pole laka hnehna a chan hnuah Russian hian a tum-pui fakim, hmachhawn harsa tak a nih thu leh hun dangah pawh intawn leh zel a duh thu sawi chungin a hmalam hunah final tam zawk a khelz zui zel a beisei thu a sawi a, Paris clay-court

tournament meuha a champion chu mumang ang mai a nih thu leh trophy a hum ve ta mai pawh chu a awih loh hial zawk thu a sawi.

Andreeva hian a team chungah lawmthu sawi nghalin, a team-ah hian 2000 French Open runner-up Conchita Martinez chu coach pakhat a ni nghe nghe.

Kum 24-a upa Chwalinska pawhin a ngam loh fakim, straight-sets em ema a tlawm chungchangah a fan-te lakah thupha a chawi zui nghl a; player ropui Mirra a lawmpui thu leh a hmalam hun atana duhsakna sang ber a hlan thu a tarlang tel.

Granollers-Zeballos bawh champ leh



Kum 40 ting tawh Marcel Granollers leh Horacio Zeballos t angdun chuan French Open men's doubles title an kawh lai humhemin, an pahnih thawkduna Grand Slam title pathumna an lak thinna chiah a ni.

Inrinni Roland Garros final-ah Spaniard Granollers leh Argentine Zeballos inkawp hian Finland mi Harri

Heliovaara leh Britain player Henry Patten t angdun chu 6-4, 6-2-in an hneh a; nikum khan French Open leh US Open-ah an lo champion tawh bawh.

Kum 40 mi Granollers leh kum 41-a upa Zeballos hi kum 2019 atanga thawkdun tan niin, 2026 Roland Garros campaign-ah hian set khat mah an hloh lo!



ZORAMTHARI RENTHLEI

Nagaland-a tour hlawhtling Aizawl FC



India champion hlu Aizawl FC chuan NE huap Football For Peace and Development Initiative Project an siam a, Nagaland-ah bul tanin, ni 10 chung an cham ang.

Mizo team hian Nagaland Inter-District Football champion ni lai Mon District chu ni June ni 2, 2026 khan Mon Football Ground-ah exhibition match khelhpuin, Naga-ho lakah 7-1 hnehna an chang phawt.

Mon District IX leh Aizawl FC inkhel hi mipuiin an hlutin entu an am hle a; Konyak nula zaithiamin Mizo hla a sa a, Aizawl FC player-te'n an lo zaipui chuan mipui lawm a hlawh hle.

Aizawl FC zin chhuak hi Nagaland sorkar ruahman angin Nagaland Football Association, district football association leh district administration lamin an lo dawngsawng a ni.

Main event chu...

Ruahman lawk angin Dimapur khawpuiah ni 6.6.2026 zan khan Nagaland

United SC nen an inkhel leh a; he match hi Aizawl FC chuan an assistant coach t hin fam ta N. William Koso tan an hlan.

He match hi a hmunah Nagaland chief minister Nephew Rio, Dy. CM TR Zeliang leh Dy. CM tho A. Patton bakah minister engemawzat leh MLA te, NEC Shillong hotute pawhin a hmunah inkhel an en.

Aizawl FC neitu Robert Romawia Royte leh a nupui bakah AFC fans engemawzat Aizawl atangin an tel bawh.

Aizawl FC-in Football For Peace and Development program an kalpui mek hi NEC Shillong leh Nagaland sawrkar bakah company engemawzat in sponsor a; he match hian thupui hlu tak 'Peace Pays' (Remna hi a hlu tak zet) tih chu hman a ni.

He project atan hian NEC Shillong chuan Rs. 10 Lakh a sanction a, Nagaland United lamin a bak sum mamawh chu an ngaihtuah thung a ni.

Khatih laia Indian top flight a la nih

laia I-League lama Aizawl FC an champion kum (2017) khan India chu world ranking-ah 96-na niin, Aizawl FC hian Asia level-ah AFC Champions League playoff khelin Iran club lian Zob Ahan an hmachhawn a nih kha.

AFC playoff-a Zob Ahan laka 3-1-a an tlawm avangin Aizawl FC khan AFC group stage an khel zui a, tun thlengin NE India atanga Asian level league khel awmchhun an la ni.

Tunah hian academy changtlung zawka kalpui tumin hma an la mek a; Malaysia, Dubai leh New Delhi atang pawhin thawhpuia sawmna an dawng hial a ni.

Nagaland tour -a Main Event Nagaland United SC leh Aizawl FC-te inkhel hi a hmuhawm hle a, TV leh Youtube lama entu pawh an tam hle a ni.

Si hnih faia Aizawl FC chakna goal hnih hi Zomuana leh Felate pet goal a ni.

Aizawl FC hian remchang hmasaah Tripura leh state dangte tour leh an tum.

Phaitual badminton-ah

Mizo an chetha

Hyderabad khawpuia Yonex-Sunrise All India Sub Junior Championship Under 15 & 17 khelz mek U-15 mixed doubles inelnaah Liansangpuia leh a kawppui Kimkim khongsai an champion.

U-17 girls doubles leh mixed doubles lamah pawh Zoramthari Renthlei & partner-in bronze medal an vaw chhuak bawh.

Liansangpuia hi tuna RCTC, Mizoram Badminton Centre, Zuang-

tuia training kal lai a ni. Mizoram Badminton Association chuan champion leh bronze medalist-te thilung takin a lawmpui a, duhsakna sangber a hlan tih thuchhuah siamin an tarlang.



FOOTBALL TITI

Arsenal chuan Aston Villa atanga England forward Morgan Rogers an la thei lo a nih chuan a aiah Nottingham Forest atangan Morgan Gibbs-White lak an tum dawn. Gibbs-White pawh hi Paris St-Germain in an chuhpui dawn vangin Gunners tan lak a awlsam dawn chuang lo. (Sun)

Real Madrid President-ah a tling leh a nih chuan Florentino Perez chuan PSG atanga Georgia winger Khvicha Kvaratskhelia lak ngei tumin ruah-manna a siam. (Teamtalk)

Real Madrid coach thar Jose Mourinho chuan contract hmang zova Manchester City chhuahsan tur Bernardo Silva lak luh a duh. (AS - in Spanish)

Real Madrid presidential candidate Enrique Riquelme-an thlan tlin a nih chuan an team enkawl turin Jurgen Klopp lak luh a tum thu sawi bawh mah se Klopp-a agent chuan Klopp hian club enkawl a la duh rih loh thu a sawi ve thung. (Sky Sports Germany)

Tottenham chuan nipui bazar liam taah Manchester City atanga an lak theih loh Savinho chu lak tumin an la ngaihven chhunzawm zel. (Mirror)

A hma lam hun turah thutlukna a siam hmain Liverpool leh Italy forward Federico Chiesa chuan manager thar Andoni Iraola titi pui hmasak phawt a tum thu a sawi. Chiesa hian Liverpool-ah khelhna hmun a chang tam thei lova, khelh tam theihna hmun tur pan a mamawh. (Gazzetta dello Sport - in Italian)

Bayern Munich in lak tumin an ngaihven niin sawi ni bawh mah se Liverpool chuan kum 17 mi Rio Ngumoha hralh tumna an nei lo. (Sky Sports)

Newcastle United winger Harvey Barnes chu champions league khel tur Aston Villa in lak an tum. (Football Insider)

Leeds United leh Ipswich Town te chu Newcastle atanga kum 34 mi England goalkeeper Nick Pope lak tumin an inel. (Sun)

President ni tura Florentino Perez thlan nawn leh a nih chuan Real Madrid chuan £130m sengin Bayern Munich leh France winger Michael Olise lak ngei an tum dawn. (Telegraph - subscription required)

Liverpool in an manager atanga an ban tan Arne Slot chuan Marco Silva hmunruak luaha Fulham enkawl theihna hun tha nei leh nghal mah se a hnar. (Talksport)



Barcelona in Atletico Madrid atanga Argentina striker Julian Alvarez lak an tumna chu a tlawh rih. Kum 26 mi hi Atletico Madrid chuan chelh ngei an tum a, lak tuma ngaihventu dang Arsenal pawhin an lak theih hmeh bik chuang lo. (Cadena Ser - in Spanish)

Ipswich Town manager hlui Kieran McKenna-an Fulham a enkawl a nih chuan Chelsea striker Liam Delap chuan a pu hlui hnuaita khel turin Craven Cottage a pan ang. (Talksport)

USA coach ni mek Mauricio Pochettino chuan World Cup zawh hunah AC Milan a pansan dawn a. Crystal Palace boss hlui Oliver Glasner chu USA coach thar ni tura ngaih a ni. (Gazzetta dello Sport - in Italian)

AC Milan forward Rafael Leao chuan chona thar hmachhawn a duh thu a sawi a. Portugal international hian Premier League emaw La Liga emaw a zawm ngei a rinawm. (Sport TV, via Football Italia)

Liverpool in ngaihven bawh mah se RB Leipzig chuan kum 19 mi Ivory Coast forward Yan Diomande chu an hnenah a cham zui ngei an ring chhunzawm hle zel tho. (Teamtalk)

Newcastle United chuan nipui bazara an lak luh hmasak ber turin French goalkeeper Ewen Jaouen chu an dawr fel thawkhat tawh a. Reims nen kum 20 mi manah hian £24m in an inrem thei tawh. (Northern Echo)

Tottenham manager Roberto de Zerbi chua kum 19 mi Croatia defender Luka Vuskovic chu nipui bazar inhawn hunah hralhchhuah a duh. (Football Insider)

Barcelona chuan Chelsea atangan Marc Cucurella lak an tum a. Kum 27 mi hi an la thei a nih chuan Spanish defender Alejandro Balde an chhuahfir ve thung ang. (Marca - in Spanish)

Messi tel lovin Argentina an chak



World Cup khel tura inbuatsaihna friendly match ah World Champion Argentina chuan Lionel Messi tel lovin Honduras an hneh. Argentina rual hian ram lian Brazil, Germany leh Portugal ten hnehna an chang bawh.

Messi tel lova buai lo Argentina

World champion Argentina hian Kyle Field, Texas-ah Honduras an hmchhawn. Honduras an hmachhawn tum hian an player pawimawh Lionel Messi an chhawr lova, hliam tenau a neih vangin Messi hi bench-ah an thut tluan tir. Messi leh si ngakh pawimawh Emiliano Martinez te tel lo mah se Argentina an buai lova, 2-0 in hnehna an chang.

Argentina manager Lionel Scaloni chuan muallaiah a player tha; De Paul, Mac Allister leh Enzo Fernandez te bul a tantir lova. Tlarhngunah Tottenham captain Christian Romero a awltir bawh. Player langsar tak takin muai lai luahlum lo mah se Argentina hian inkhel a thunun hneh

viau tho thung a, goal thun theihna hun tha pawh an nei zauh zauh. Inkhel hmuhnamw pangngai takah goal lut a awm theih lawk loh hnuin Argentina in penalty an hlawhchhuak. Penalty hi Lautaro Martinez chuan minute 37-naah ram an a goal 37-na thun.

Argentina hmahruaina goal thuntu Martinez hi manager Scaloni a player duh zawng tak mai a ni a, khelhna hun tha a pe fo thin. Serie A to-scorer hi World Cup 2022-ah khan beisei a phak lova, vanduaithlak takin goal thun theihna hun tha a neih a hlah fo thin. Goal thun a harsat vangin Jullian Alvarez-a'n a nekchhuah phah Copa America 2024-ah erawh top-scorer a ni chho leh ta hial thung. Serie A top-scorer niin Inter Milan a champion pui a. Honduras lakah goal khat a thun bakah assist a nei a, man of the match-ah thlan a ni bawh nen World Cup-ah pawh bul a tan ngei a beiseiawm.

Martinez goal thun hnu hian chawhlhaw

hmain goal dang a luh belh thei lo. Chawhlhaw hnu lamah Argentina in goal an thun belh thuai thung. Lautaro Martinez ball khen nalh leh fing tak at angin Giuliano Simeone chuan minute 54-naah an goal hnihna a thun a, an hmahruaina a tizau. Simeone goal thun hnuin goal dang a luh belh thei tawh lova, Argentina in phu takin hnehna an chang.

Tarlan tawh angin Honduras an hmachhawn tum hian Argentina tan Lionel Messi a inlan lo. Friendly match-ah inlan lo mah se Messi hian World Cup-a an match hmasa ber June ni 16-a Algeria an hmachhawn hunah bul a tan ngei a rinawm thung. Si ngakh Martinez pawhin Algeria a hmachhawn tura ngaih a ni.

Brazil an chak

Football ram ropui, World Cup-ah wavi nga champion tawh a, champion ngun ber ni mek Brazil in champion an harsat a, beisei an phak lo fo thin. World Cup 2026-ah Neymar hovin an ropuina neih let leh an tum dawn a. Hmana Brazil ropuina kha neih kir leh tumin tan an khawh dawn.

Brazil hian World Cup hmaa inkhel an hmachhawn hnuhnungah an khingpui Egypt chu 2-1 in an hneh.

Brazil hian Egypt lakah bul an tan tha viau a, inkhel tan atanga minute 7-na lekah Bruno Guimaraes chuan hmahruaina goal a thun nghal. Goal chhuah hma hle mah se Egypt an insiamt ha thuai a, minute 11-na lekah Mostafa Zico goal thun hmangin an si phurh an sut nghal. Hma taka goal hnih a luh hnuin goal a luh belh thei lo reng a. Chawhlhaw hnu lam minute 52-naah Brazil tan Endrick chuan hma an hruai nawn lehna goal a thun a, Egypt lakah an chak zui ta a ni.

Inkhel dangah World Cup-a wavi li champion tawh Germany chuan inelna thlengtu USA chu harsa ang reng tak 2-1 in an hneh hram. Inkhel dangah World Cup-ah a wavi khatnana champion tum Portugal pawhin an khingpui Chile chu 2-1 in an hneh ve bawh.

Knicks an chak nawn leh India in Sooryavanshi a ko

Inrinni zing khan NBA Finals game hnihna khelh a ni a, inkhel hmuhnamw takah New York Knicks in hnehna a chang. Knicks hian hnehna an chang zawn a, champion an hnaih leh zual.

Game hmasaa hnehna lo chang tawh Knicks hian game hnihnaah bul an tan tha lova, quarter hmasa berah point 9 lain in hnuful zawk an tang. Bul tan tha lo mah se an insiamtha thuai a, quarter hnihnaah point 13 lain an chungnung a. Point 4 a hmahruai chungin chawhlhaw an hmang.

Chawhlhaw hnu lamah San Antonio Spurs in hnehna chan ngei tumin tan an khawh naa quarter thumnaah point 5 in an hnuful zui leh a, awmzia an nei thei tehchiam rih lo. Quarter hnuhnung berah chak ngei tumin tan an khawh duna,



an innawr tawn nasa hle. Quarter hnuhnung berah hian an inbeitawh hle a, hun a tawp dawn tep thlengin point belh-khawmah an la inhnehtawh.

Quarter lina bikah point khatin Spurs chungnung bawh mah se, point belh-khawmah erawh an khingpui an lehthal zo lo. Hun tawp dawn chiaah Knicks in free throw an hmu. Jalen Brunson poiont thawhchhuah hmangin Knicks i point khatin an chak thei ta hram a. Point 105-104 in game hnihnaah hnehna an chang a, Series ah 2-0 in hma an hruai.

Final game hnihnaah hian San Antonio Spurs in chak theihna hun tha tak an nei a. An player pawimawh Viktor Wembanyama chuan an team chakpui theihna hun tha nei bawh mah se uawm takin a tusual a, a hun tha a hloh. Wembanyama tusual vangin Knicks in chak theihna hun tha an neih theih phah a. an hun tha chhawr tangkaiin game hnih an lak zawn theih phah ta a ni.

NBA Finals-ah series ah 2-0 a hmahruai tawh zinga 32 zet an champion zui a, champion zui ta lo panga chiaah an awm. New York Knicks hian 2-0 a hma an hruai tak vangin champion theihna hun tha leh zual an nei. Final tawh thumna ni thawhlelni zing-gah khelh a ni ang a, Madison Square Garden, New York City-a an intum hunah he khuua piang US president Donald Trump chuan a hmunah en ngei a tum.

Cricketer ram ropui India chuan T20 a England leh Ireland hmachhawn turin kum 15 mi Vaibhav Sooryavanshi a ko.

India aiawh tura a wavi khat nana koh Sooryavanshi hian inkhel a hmachhawn a nih chuan khawvela Cricketer ropui ber Sachin Tendulkar record khumin India tana khel thei naupang ber record thar a siam dawn. Tendulkar khan kum 16 leh ni 205 a naupang ni chungin kum 1989 khan Pakistan a hmachhawn. Tun thlengin India tana khel thei naupang ber a la ni reng a. Kum 15 mi Sooryavanshi hian a record a rawn thaichhe ngei dawnin a lang ta thung.

Kum 15 mi Sooryavanshi hi Indian Premier League 2026-ah rawlthar tha bera thlan a ni nghe nghe a ni.



World Cup 2026 khel tur Norway National Football team te chuan USA an pan hmain Viking costume nen thla an la hmasa zet a, lawm an hlawh hle.

World Cup khel tur zawnna chetha tak Norway hi Group I ah France, Senegal leh Iraq te nen an awm tlang a. Fiahna hautak an hmachhawn a ngai dawn a, last 32 lut tura ngaih zingah an tel.

Prince thih hnuah a album thar an tlangzarh dawn

Khawvel a chhuahsan atanga kum 10 a ral hnuah Prince album thar 'Stone' chu a estate enkawltu ten August ni 28-ah an tlangzarh dawn tih an puang a, he album-ah hian hla 10 a awm dawn a, Prince-a'n a thih hmaa a lo record tawh, tihchhuah loha la awm te an dahkhawm dawn a ni.

He hla record sa la tihchhuah loh te hi 1977 leh 2016 inkara record te niin, he album-ah hian 1991 a record "With This Tear" pawh an dah tel dawn a, he hla bik hi chu April thla khaan album tlangzarh tur thawm a awm hma hian Prince estate hian an lo tichhuak tawh a ni.

Prince estate chuan thuchhuah siamin, "Kum 40 dawn chhunga Prince themthiamna vir vel dan tarlanna a ni dawn a, a studio recording hmasa lamah, a la tleirawl deuh laia a record atanga a hun tawp dawna a hla record hnuhmun ber thlengin a tel dawn a ni," an ti.



Taylor Swift hausaknain \$2B a kai ta

Sum leh pai lama Taylor Swift, kum 36, hlutna chu dollar tuklehdingawn hnih (dollar 2 billion) a kai ta a, 2024 khaan a hausakna hi dollar tuklehdingawn 1.6 niin, Forbes-in a tarlan danin kum khat leh a chanve chhunga dollar maktaduai 600 velin a lo hausak belh leh hman tawh tihna a nih chu! Swift hian khawvela hmeichhe musician zingaga hausa ber a nihna a sawhngnet leh ta sauh a ni.

Forbes magazine hian "Iconoclast 50" list chu June ni 3 khaan an tichhuak a, 2023-a billionaire rawn ni tan, Taylor Swift chu a billionaire tan atanga kum thum chhungin a hausakna a letin a pung hman a ni. Swift hian Eras Tour ticket hralh that zar zoin billionaire a rawn kai a, he tour hi 2023-2025 thleng neini, hetih chhung hian a album hlui a record tharleh te pawh a tichhuak nual hman a, a album te a hralh tha em em vek bawh.

2024-ah album thar The Tortured Poets Department leh 2025-ah The Life of a Showgirl a tlangzarh bawh a, heng album pahnih te hian record an rawn siam deuh mawlh mawlh a, hei



bakah hian nikum khaan a album hmasalam paruk te chu a neitu nihna a lei let ve vek tawh bawh.

Taylor Swift hi sumdawna dang tel lo, rimawi leh a kaihnawih ringawt atanga billionaire ni thei hmasa ber a ni a, a sum hmuhna lian chu royalty leh touring niin, heta tang ringawt pawh hian dollar maktaduai 800 a hmuchhuak thei a, a music catalog hlutna hi dollar maktaduai 600 angin an chhut a, a real estate hlut pawh dollar maktaduai 110 angin Forbes ch-

uan an chhut bawh.

Taylor Swift hlutna hian October 2024 khaan dollar tuklehdingawn 1.6 kaniin, Rihanna lehpelin hmeichhe musician zingaga hausa ber a rawn ni a, vawih thlengin he title hi a la hum ngheet zel a ni. Musician zingaga hausa ber erawh Jay-Z niin, a hausakna hi dollar tuklehdingawn 2.8 angin an chhut. Hetihruah hian Jay-Z te hi chuan music bakah sumdawna lian dang an nei tel nual a ni.

Taylor Swift sawi takah chuan a hla

thar "I Knew It, I Knew You," pawh a tichhuak ve leh ta a, he hla hi Jack Antonoff nen Toy Story 5 soundtrack atana an puah dun niin, Swift hian rimawi zin kawnga a bul tanna country music a rawn hrut leh ta a ni. Animated film Toy Story 5-ah hian Woody (Tom Hanks), Jessie (Joan Cusack) leh Buzz Lightyear (Tim Allen) te inlan lehin, misual thar Lilypad (Greta Lee) a rawn tel ta bawh. A film hi June ni 19 atangin cinema hall-ah an tichhuak tan ang.

Motorola Edge 70 Pro+ India-ah tlangzarh

Motorola Edge 70 Pro+ chu India-ah an tlangzarh a, Rs 47,999 man a ni, company lam chuan casback offer Rs 3,000 an pek bakah exchange bonus a awm bawh. He smartphone hi June ni 11 atangin an hralchhuak dawn a, Flipkart leh Motorola India online store-ah a chah theih ang.

Motorola Edge 70 Pro+ hi dual-SIM niin, Android 16-based Hello UI a hmang a, 4nm octa-core Mediatek Dimensity 8500 Extreme chipset neini, 12GB RAM leh 256GB storage a nei bawh. He smartphone hian thermal management atan 4,600 sqmm heat dissipation area neini, phone hman nasat avanga a sa tur pawh veng tha viau tura ngaih a ni.

6.8-inch 1.5K (1272 x 2772 pixels) Extreme AMOLED display neini, 450 ppi pixel density, up to 144Hz refresh rate, 100 percent DCI-P3 colour gamut, HDR10+ support, upto 5,200 nits peak

brightness, 360Hz touch sampling rate neini, kut huh leh phone screen huh chung pawha hman theih turin Water Touch feature a nei bawh. He smartphone hian IP68 leh IP69 dust & water resistance rating neini, MIL-810H certification a nei a, tui a thlahu palh leh tih deuh sawk sawk pawh dawl zo viau tura ngaih a ni.

A hnunglamah camera patum- 50-megapixel (f/1.8) Sony LYT-710 primary sensor (optical image stabilisation), 50-megapixel periscope telephoto camera (up to 3x optical zoom, up to 50x digital zoom) leh 50-megapixel (f/2.0) ultrawide camera (112-degree field of view, 2-in-1 light sensor) neini, 4K/60 fps video recording a ti thei a, a hmalamah 50-megapixel (f/1.9, autofocus) selfie camera a nei bawh.

Connectivity-ah chuan 5G, 4G LTE, Wi-Fi 6E, Bluetooth 5.4, USB Type-C port, GPS, GLONASS, Gal-



ileo a support a, sensor hrang hrang a neih zingah proximity sensor, ambient light sensor, accelerometer, gyroscope leh e-compass a nei a, in-display fingerprint sensor a nei bawh. 6500mAh battery neini, 90W wired leh 15W wireless fast charging a support a, 5W wired leh wireless reverse charging a support bawh. He smartphone hi 162.7x75.6x7.19mm a lian, gram 190 a rit a ni.

Maruti Suzuki Wagon R Flex Fuel

Maruti Suzuki chuan Wagon R Flex Fuel khuhhawna an nei ta. Wagon R hi India-a car hralh tam ber pawl a ni a, ethanol leh petrol inpawlhah ethanol tam zawk hmang thei tura duan a ni a. Tuna Wagon R an hralchhuah lai te hi E20 hmang thei an ni a, flex-fuel hi chu E85 hmang thei a ni dawn ta a ni.

E20 hi chu ethanol 20% leh petrol 80% inpawlh hmang thei tihna a ni a, E85 chu ethanol 85% leh petrol 15% in-

pawlh hmang thei tihna a ni. Ethanol hi thlai briak atanga siam niin, petrol leh diesel te anga kang thei niin, lirthei tihkal nan a hman theih a, petrol leh diesel aiin a man a tlawm deuh zawk a, boruak chhia a tichhuak tlem zawk bawh.

Wagon R Flex Fuel hi ethanol hlang hmang pawhin a tlan thei a (E100 tihna a nih chu), mahse, E85 tura duan a ni a, flex fuel hi E20 atanga E85 tura regulation a awm vang a ni. Hetihruah



hian Wagon R Flex Fuel man tur hi puan a la ni lo. India sorkar pawhin E85 fuel station hi India-ah a tam thei ang

ber bun tumin hma a la mek a, 2026 kum tawp hmam E85 outlet 500 chuang India-ah hawn hman an tum a ni.

Phuah Pawlh

Tar-hot-in record a siam



Pitar kum 90 chunglam rock concert vela la kal zik zik peih kan hre kher lo ang, an vanglaia eng anga zuang-lam peih pawh ni se kum 90 chunglamah chuan an zam a zal ve raih tawh ang. Mahse, Texas-a Brantley Gilbert concert-ah chuan Pi Pauline Kana, kum 99, USA a cheng chu tel vein, concert hi a chim ve satliah pawh a ni lo a, a la crowd surf zui a, Guinness World Re-

ords-in crowd surf upa berah a puang. Concert-na a tute emaw mu zangthal a mipuiin an lu chunglama an in-pass kual vel i hmu thin em? Khatiang kha crowd surf lai hian kum 99 leh ni 274 a upa a ni tawh. Kan ram chu ni se tu te mahin an pi te hetiang rock concert-naah an chet hi kan remti tawh

lo nasa ang. Remti pawh ni ila an peih tawh lo ang! Pi Pauline Kana hi stretcher-ah mu zangthalin a crowd surf a, hetiang a tih theihna chhan pakhat chu a tupa Ross Smith hmalakna vel a ni. Pi Kana-i hian khawvela a dam chungga eng thil emaw tala 'ber' nih a chak thu a sawi thin a, a tupa hian 'ber' nih theihna tur kawng a zawnpui ta a ni. Pi Pauline Kana-i hi a hot ve reng reng

bawh a, 'Gangster Granny' tia a hminglem an phuhsak ve hial a ni a, WWE superstar te laka han lerh-ing-euh kual velte pawh a peih viau thin a, social media lamah Ross tik account neini, Tik Tok-ah pawh follower maktaduai 25 neini, Instagram-ah pawh follower maktaduai 4 a nei thei a ni.

Record a siam dawn pawh hian a inchei uluk leh viau a, T-shirt sen leh var, a hmel lem chuanna hain, "Old's Cool" tih a kawrah a inziak kalh bawh. Musician Brantley Gilbert chuan Ross leh a pi Pauline te hming hi mipui hmaah lam chhuakin, record siam an tum dan te a puan sak. Chutah stretcher-ah a mu zar mai a, a crowd surf ta a, mipui chu "Granny! Granny! Granny!" tiin an au rual dual dual. Amah lahni nuam a ti narawh e. A tawpah stage-ah ding chuakin Ross kut vuan chungin a lam hah hah bawh.

Pi Pauline Kana hian a Guinness World Records certificate a dawn hnuah social media-ah video post-in, "Ka ti thei ta! Khawvel ropui ber ka ni e!" a ti.

Damdawi ei lovin BP sang a 'control' theih em?

World Health Organisation (WHO)-in 2023-a data a tihchhuaha chuan khawvela mihring puitling, kum 30 leh kum 79 inkar zingah BP sang nei mi tuklehdingawn 1.28 an awm a, puitling zingah BP sang nei chungga an BP a sang tih hre miah si lo 46% an awm niin an tarlang bawh.

Hypertension (BP sang) hi 'silent killer' ti te pawhin an sawi ve thin a, khawvela natna benwawn thlentlu lian ber te zingga mi niin, a natna thlen theih zingah hian lung (heart) natna, stroke leh kal (kidney) tha lo te pawh a tel. Chuvangin kan BP a san loh nan tan kan lak a, kan inenkawl that a pawimawh hle a ni. Tun tumah hian Times of India-in US-a cardiovascular surgeon, kum 25 chung clinical experience lo nei taw, Dr. Jeremy London-a'n damdawi hmang lo a BP sang enkawl dan ni a sawi an tarlan te kan rawn chhuah chhawng e.

Hypertension chu eng nge? Hypertension (BP sang) chu thisenzam a pressure a san lutuk a, 140/90

mmHg emaw a chunglam emaw a nih chuan BP sang tihna a ni. Mahse, BP sang reng chungin a symptom engmah mahniah inhriatna tur awm si lovin a awm reng theih a. Hetiang BP sang inhe si lo a awm reng hi, inenkawl loh chuan a rei hnuah a lo pawl ta thin a ni. BP sang chu eng nge a symptom? BP sang tam zawk mah hian a symptom anmahni a lang chhuak engmah an hre lo. Mahse, BP chu a san lutuk a, 180/120 te a nih kai tawh chuan symptom chi hrang hrang- luna vak, awmbawr na, luhai, thawk harsa. luak chhuak leh luak, khawhmuh fiah lo, thil hmu phe, rilru a hlauhthawn vakna, rilru mang/chiang lo deuh ruai, bengra ri deuh veng, hnar thi leh lungphu mumal lo te pawh an nei thei.

Damdawi ei lovin BP sang chu a control theih em? Dr. Jeremy London chuan, "He zawhna hi tawitein a chhan fel mai theih. A chhanna chu 'Aw' tih a ni," a ti a, damdawi ei lova BP sang in-control tumte tana thidhan tur tha ni a a sawite chu:

1. Ei leh in-ah chaw hrisei ei tur a ni, nutrient pai tam chaw ei tur a ni, kan eitur te chu a nih phung atanga tihdanglam loh, a natural thei ang bera ei tur a ni. Al (sodium) a tlem thei ang ber ei tur a ni a, potassium leh magnesium tamna ei tam ve thung tur a ni. 2. Exercise: BP tihniham nana pawimawh tak chu exercise lak that hi a ni a, regular takin exercise lak tur a ni. Aerobic leh resistance training (lungphu leh thawk tirang thei ang chi exercise leh thirawl tihchak theihna lam exercise) te hi lung hriseina titha thei a ni. Aerobic exercise, heng kea kal/tlan, cycling, tuhleuh etc. te hian thisenzam a thisen luang ti hain, lung a tichak thei. Resistance training, heng weightlifting le body-weight exercise ang chi te hian thirawl siamin, thisenzama thisen luang a titha thei a, chung te chu BP sang control nan a pawimawh hle a ni. 3. Zu in suh: Dr. Jeremy chuan BP sang control nan zu in loh a tha

ber a, in lo thei lo kan nih pawhin in tam loh tur niin a sawi. Zu hian thisenzam a tisanwng thei a, lung a thisen in-pump lut tur a lo tlem phah a, lung-in nasa lehzuat a hna a thawh a tul phah a, chu chuan lung a tihah lehzuat thin. Zu in-ah a him tawh a awm lo niin a sawi bawh. 4. Mei zu suh: Meizuk hian BP a tisanwng thei a, a nghawng a tizual thei bawh. Meiziala a awm nicotine hian temporary heart rate leh BP sang a siam thei a, mei zuk nasat chuan atherosclerosis a siam thei. Chu chuan thisenzama thaubawh a siam a, thisen luanna tur hmun a tizim a, chuvangin lung-in hna a thawh nasat lehzuat a ngai a, lung a tihah a, BP sang bakah heart attack leh stroke risk thlengin a tisanwng thei. Engpawh ni se BP i nei a, damdawi hmanga inenkawl tawh i nih chuan mahni thua damdawi thlah ringawt loh tur a ni a, damdawi tel lo BP control kan tum a nih pawhin doctor rawn hmasak pawt tur a ni.